庫全書

子部

欽定四庫

北溪字養卷上

詳校官監察御史臣邱文愷 侍讀臣孫球覆勘

校對官中書 臣李斯咏 總校官進士臣朱 騰録監生日陳

欽定四庫全書 北溪字義 提要 安溪主簿未上而卒事迹具宋史本傳此編 為其門人清源王雋所録以四書字義分二 十有六門每拈一字詳論原委旁引曲證以 **柳號北溪龍溪人嘉定十年授迪功郎泉州** 臣 等謹案北溪字義二卷宋陳淳撰淳字安 子部 儒家類

性理字義疑問書稱陳先生性理字義取先 郡庠時作也又考趙汸東山集有答汪徳懋 定九年待試中歸過嚴陵郡守鄭之悌延講 所校刻附以嚴陵講義四條曰道學體統曰 佚明弘治庚戌始重刊行此本乃四明豐慶 刻於宋淳祐問即九華葉信厚本也舊板散 師友淵源曰用工節目曰讀書次第乃淳嘉 暢其論初刻於永嘉趙氏又有清漳家藏本 提灣等華

致灾四庫全書

) 書之外又有性理字義令未見其本莫之詳 矣乾隆四十六年四月恭校上 初學者設云云未知即此書之別名抑或此 儒周程張朱精思妙契之古推而演之蓋為 總 總養官臣紀的陸錫熊孫士教 官臣陸 鄪

				多安匹库全書
			·	提要
				3

行氣到這物便生這物氣到那物又生那物便 一義有以理言者有以氣言者其實理不外 病例との見る 頻天無言做如何命只是大 宋 陳淳 撰

欽定四庫全書 賦予於物者而言則謂之天命如就氣說却亦有两 是專指理而言天命即天道之流行而賦子於物者 就元亨利貞之理而言則謂之天道即此道之流行 之謂性五十知天命窮理盡性至於命此等命字皆 化流行生生未當止息所謂以理言者非有離乎氣 必有主宰之者曰理是也理在其中為之樞紐故大 **乎氣盖二氣流行萬古生生不息不成只是空箇氣** 只是就氣上指出箇理不雅乎氣而為言耳如天命

父已の与心皆 人物之生不出乎陰陽之氣本只是一氣分来有陰陽 差不齊有清有濁有厚有薄且以人物合論同是 莫非命也之命是乃就受氣之短長厚薄不齊上論 陰陽又分来為五行二與五只管分合運行便有來 説人之智愚賢否 是命分之命又一般如孟子所謂仁之於父子義之 於君臣命也之命是又就稟賦之清濁不齊上論是 般說貧富貴與天毒禍福如所謂死生有命 7 北溪字義

金グレス 氣但人得氣之正物得氣之偏人得氣之通物得氣 枝葉却在上此皆得氣之偏處人氣通明物氣壅塞 此所以為得氣之正如物則禽獸頭橫植物頭向下 在前海鹹水所歸在南之下故人之小便亦在前下 順心却向後日月来往只在天之南故人之两眼皆 之塞且如人形骸却與天地相應頭圆居上象天足 方居下象地北極為天中央却在北故人百會穴在 人得五行之秀故為萬物之靈物氣塞而不通如火

くこうえ こら 若就人品類論則上天所賦皆一般而人随其所值又 得風之最長者如夫子亦得至清至粹合下便生知 安行然天地大氣到那時已衰微了所以夫子禀得 所以贵為天子富有四海至於享國皆百餘歲是又 得其至清至粹為聰明神聖又得氣之清高而豐厚 便能生知賦質至粹所以合下便能安行如堯舜既 各有清濁厚薄之不齊如聖人得氣至清所以合 烟欝在裏許所以義理皆不通 北英字美

金定四百全書 露的著如銀蓋中淌貯清水自透見蓋底銀花子甚 長所以天死大抵得氣之清者不隔蔽那理義便呈 各有分數顏子亦清明純粹亞於聖人只緣得氣不 發自大賢而下或清濁相半或清底少濁底多昏蔽 不髙不厚止栖栖為一旅人而所得八氣又不甚長 止僅得中壽七十三歲不如堯舜之髙厚自聖人而下 明若未當有水然賢人得清氣多而濁氣少清 有些渣滓在未便能昏散得他所以聰明也易開 中

とこり見いま 甚清貯在銀蓋裏面亦透底清徹但泉脈從於上惡 承載得道理多雜能商去是又賦賢不粹此如井泉 白水則成赤湯烹茶則酸滥是有惡味夹雜了又有 木根中穿過来味不純甘以之煮白米則成赤飯煎 治之功若能力學也解變化氣質轉昏為明有一般 得厚了如盏底銀花子看不見欲見得須十分加蒼 人稟氣清明於義理上儘看得出而行為不篤不能 般人生下来於世味一切簡淡所為甚純正但與 73 北溪字義

金月四月 氣清中被一條戾氣衝物了如泉脈出来甚清却 他一向侗執固滯更發不上甚為二程所不淌又有 瑩如温公恭儉力行為信好古是甚次第正大資質 只緣少那至清之氣識見不髙明二程屢將理義發 此 條別水橫衝破了及或遭蹙岩石頭橫截衝激 般人甚好說道理只是執約自立一家意見是禀 到道理處全發不來是又賦質純粹而稟氣不清 如井泉脉珠純甘絕佳而有泥土渾濁了終不透 被

ここうえこら 若就造化上論則天命之大目只是元亨利貞此四者 生處為无於時為春物之發達處為亨於時為夏 竟清明純粹恰好底極為難得所以聖賢少而愚 樣或相倍從或相什百或相千萬不可以一律齊畢 之成遂處為利於時為秋物之斂藏處為貞於時為 就氣上論也得就理上論也得就氣上論則物之初 帖順去反成險惡之流看来人生氣禀是有多少 肖者多 北溪字美

問天之所命固是大化流行賦予於物如分付他一般 多定四年全書 神享之使之主事而事治百姓安之是天與之人與 子處謂天不言以行與事示之而已使之主祭而百 若就人事上論則如何是賦予分付處曰天豈諄諄 冬貞者正而固也自其生意之已定者而言則謂 理之始亨者生理之通貞者生理之固 然命之乎亦只是其理如此而已盖子說天與賢與 正自其效蔵者而言故謂之固就理上論則元者生

发色习真 心ち 權成事惟聖人及大賢以上地位然後見得明非常 武王但順乎天而應乎人爾然此等事又是聖人行 國亦其出於自然而然非人力所容便是天命之至 之又曰莫之為而為者天也莫之致而至者命也 意古極精微陸宣公之學亦識到此如桎梏死嚴 情所及唐陸宣公謂人事盡處是謂天理盖到人事 意發得亦已明白矣如益津之上不期而會者八 已盡地頭赤見骨不容一點人力便是天之所為此 北溪字義 百

問莫之為而為者天也莫之致而至者命也未子註 有分别為以做事言做事是人對此而反之非人所 莫之致而至故可以天命言而非人力之所取矣 為便是天至以吉山禍福地頭言有因而致是人力 處何以見二者之辨曰天與命只一理就其中却微 以理言之謂之天自人言之謂之命其實一而已此 其道而死者為正命蓋到此時所值之吉凶禍福時 死者非正命是有致而然乃人所自取而非天若盡 曰

問天之所命果有物在上面安排分付之否曰天者理 といりをという 歸 對此而反之非力所致便是命天以全體言命以其 見得是命 然後為命乃是於天理中截斷命為一邊而言其指 天命因人形之而後見故吉凶禍福自天来到於 訓義言却包命在其中其曰自人言之謂之命命是 中妙用言其曰以理言之謂之天是專就天之正面 爾若只就天一邊說吉山禍福未有人受来如何 北溪字義

金为四月五言 此天下莫尊於理故以帝名之觀此亦可見矣故上 達謂意之所為點與道契後天奉天謂知理如是奉 也論語集註獲罪於天曰天即理也易本義光天弗 夫天專言之則道也天且弗違是也又曰天也者道 而已矣古人凡言天處大概皆是以理言之程子曰 理言 而蒼蒼者天之體也上天之體以氣言上天之載以 而行之又嘗親炙文公說上帝震怒也只是其理

久 己り 取と 島 問天之所命則一两人受去何故如彼之不齊曰譬之 或臭穢随他所受多少般樣不齊豈行雨者固為是 也而有淌園中森森成行伍出者有擲之蹊旁而踐 區别哉又譬之治一片地而播之菜子其為播種 受去或有斗斛之水或只涓滴之水或清甘或污濁 朝盈暮涸至於沼江坎窟盆甕嬰玉螺杯親殺之屬 滔滔不增不减溪澗受去則洪瀾暴漲溝淹受去則 天油紙作雲沛然下雨其雨則一而江河受去其流 北溪守美

成子而研為產汁用者有厳為種子到明年復生生 踩不出者有未出為鳥雀啄者有方芽為鷄鹅嚙者 諸瓦盆食者有脆嫩而摘者有壯茂而割者有結食 而旋取葉者有日供常人而羹食者有為菹於禮豆 而薦神明者有為靈於金盤而獻上廣者有丐子京 有稍長而美去者有既秀而連根拔者有長留在國 故天之所命則一而人受去自是不齊亦自然之理 不窮者其參差如彼之不齊豈播種者所能容心哉

性即理也何以不謂之理而謂之性盖理是泛言天地 之禮得天命之利在我謂之義得天命之貞在我謂 何疑馬 而已得天命之元在我謂之仁得天命之亨在我謂 是理於心方名之曰性其大目只是仁義禮智四者 而為我所有故謂之性性字從生從心是人生来具 間人物公共之理性是在我之理只這道理受於天 性

足己の巨正島

性命只是一箇道理不分看則不分曉只管分看不合 此理其實理不外乎氣得天地之氣成這形得天地 看又離了不相干涉須是就渾然一理中看得有界 之智性與命本非二物在天謂之命在人謂之性故 理然人之生不成只空得箇理須有箇形骸方載得 分不相亂所以謂之命謂之性者何故大抵性只是 天道之常仁義禮智人性之綱 程子口天所付為命人所受為性文公口元亨利員

金岁口下了

欠已の巨江島 即吾其性塞字只是就孟子浩然之氣塞乎天地句 宇来說理人與物同得天地之氣以生天地之氣只 极一字来說氣即字只是就孟子志氣之即句极 之理成這性所以横渠口天地之塞吾其體天地之 是氣有偏正故理随之而有通塞兩 拘所以其理問塞而不通人物所以為理只一般只 以仁義禮智粹然獨與物異物得氣之偏為形骸所 般因人物受去各不同人得五行之秀正而通所 北溪字義

金岁四月百言 天所命於人以是理本只善而無惡故人所受以為性 氣只是陰陽五行之氣如陽性剛陰性柔火性燥水 亦本善而無惡孟子道性善是專就大本上說来說 去自有箇真元之會如歷法等到本數湊合所謂 紛之論盖人之所以有萬殊不齊只緣氣禀不同這 得極親切只是不曾發出氣稟一段所以啟後世紛 性潤金性寒木性温土性重厚七者夾雜便有參差 不齊所以人随所值便有許多般樣然這氣運来運 Ħ

とこりをこよう 時少如一歲間劇寒劇暑陰晦之時多不寒不暑光 性圓一撥便轉也有一等極愚拗雖一句善言亦說 氣之惡者有人狡論姦險此又值陰氣之惡者有 齊之氣如有一等人非常剛烈是值陽氣多有一等 風霽月之時極少最難得恰好時節人生多值此 月如合壁五星如連珠時相似聖人便是禀得這真 元之會来然天地問參差不齊之時多真元會合之 人極是軟弱是值陰氣多有人樂暴念戾是又值陽 北溪字義

金为四月全書 齊而大本則一雖下愚亦可變而為善然工夫最難 之類不是陰陽氣本惡只是分合轉移齊不齊中便 氣中亦有善惡如通書中所謂剛善刚惡柔善柔惡 不入與禽獸無異都是氣禀如此陽氣中有善惡陰 非百倍其功者不能故子思曰人一能之已百之人 自無成粹駁善惡耳因氣有駁粹便有賢愚氣雖不 十能之已千之果能此道雖愚必明雖柔必强正為 此耳孟子不說到氣禀所以首子便以性為惡楊子

模說簡性是天生自然底物竟不曾說得性端的指 便以性為善惡混韓文公又以為性有三品都只是 定是甚底物直至二程得濂溪先生太極圖發端方 氏又以為性無善惡都只含糊就人與天相接處捉 說得氣近世東坡蘇氏又以為性未有善惡五奉胡 自堯舜至於塗人一也此語最是簡切端的如孟 始說得分明極至更無去處其言曰性即理也理 說性善亦只是理但不若指認理字下得較確定胡 上的子 氏 則

致定四庫全書 氏看不徹便謂善者只是賛數之解又誤了既是替 歎便是那箇是好物方替歎豈有不好物的發敦之 所由来故其言曰論性不論氣不備論氣不論性不 耶 明二之則不是也盖尸論大本而不及氣禀則所論 底而道理全然不明千萬世而下學者只得按他說 更不可改易 有欠關未備若口論氣禀而不及大本便只說得粗 程子於本性之外又發出氣禀一段方見得善惡

孟子道性善從何而来夫子繁易曰一陰一陽之謂道 方行者也道到成此者為性是說人物受得此善底 繼之者善也成之者性也所以一隂一陽之理者為 道理去各成箇性耳是太極之静而陰時此性字與 道此是統說箇太極之本體繼此者為善乃是就其 善字相對是即所謂善而理之已定者也鑑成與陰 此是太極之動而陽時所謂善者以實理言即道之 問說造化流行生育賦子更無別物只是箇善而已 止其字表

致定四庫全書 成之者性時方能如是之善則益子之所謂善實淵 處說善乃重字為實物若孟子所謂性善則是就成 陽字相應是指氣而言善性字與道字相應是指理 粹至善耳其實由造化原頭處有是繼之者善然後 之者性處說是人生以後事善乃輕字言此性之統 而言此夫子所謂善是就人物未生之前造化原頭 子通書及程子說已明備矣至明道又謂盖子所謂 源於夫子所謂善者而来而非有二本也易三言周

氣禀之說從何而起夫子曰性相近也習相遠也惟上 性善者只是說繼之者善也此又是借易語就移人 指認說出甚詳備横渠因之又立為定論曰形而後 性但未分明指出氣質字為言耳到二程子始分明 知三行及所謂雖愚必明雖柔必强亦是說氣質之 智與下愚不移此正是說氣質之性子思子所謂三 分上說是指四端之發處言之而非易之本首也 有氣質之性善反之則天地之性存馬故氣質之性

改定四車全書

北溪字美

韓文公謂人之所以為性者五曰仁義禮智信此語是 看得性字端的但分為三品又差了三品之說只說 性是以大本言之其實天地之性亦不離氣質之中 君子有弗性者馬氣質之性是以氣禀言之天地之 **耳此意學者又當知之** 得氣禀然氣禀之不齊盖或相什百千萬豈但三品 只是就那氣質中分別出天地之性不與相雜為言 而已哉他本要求勝訪楊却又與荀楊無甚異 A STATE OF S

灭足四年公島 佛氏把作用是性便與蠢動含靈皆有佛性運水搬杂 答國王作用之說曰在目能視在耳能聞在手執捉 是吾法身便超出輪迴故禪家所以甘心屈意枯槁 是假合幻妄若能見得這箇透徹則合天地萬物皆 地世界總是這首物事乃吾之真體指吾之內身只 無非妙用不過又認得箇氣而不說著那理具達麼 在足運奔在鼻嗅浥在口談論編視俱該沙界收攝 一後塵識者知是道性不識與作精魂他也合天 北溪字義

今世有一種杜撰等人爱萬該性命大抵全用浮居作 馬祖去 减却自與做工夫至到便於耀以為奇特一向呵佛 他這箇靈活底若能硬自把捉得定性便是道成了 其實多是把持到年暮氣衰時那一切情欲自然退 便一向縱橫放恣花街柳陌或雲猪頭鳩子都不妨 山林二下絕滅天倫掃除人事者只是怕来侵壞著 用是性之意而文以聖人之言都不成模樣據此意

金ダログと

本然之則固是性如盗賊作竊豈不運動如何得是 不知有箇當然之理只看得質類制影子而未當有 聽惡聲如何得是本然之性只認得箇精神魂魄而 性耳之欲聲目之欲色固是靈活底然目視惡色耳 靈底便是性更不商量道理有不可通且如運動合 之所以能飲能食能語能點能知覺運動一箇活底 已為孟子掃却今又再拈起来做至珍至實說謂人 其實不過只是告子生之謂性之說此等邪說向来 北溪字義

灭足四車全書

心者一身之主宰也人之四肢運動手持足履與大餓 的確定見枉誤了後生晚進使相從於天理人欲混 日用間飲食動作皆失其常度與平人異理義都喪 思食渴思飲夏思為冬思表皆是此心為之主宰如 雜之區為可痛 今心悉底人只是此心為 那氣所垂内無主宰所以 了只空有箇氣僅往来於脈息之間未絕耳大抵人

友足口巨 四 心只似筒器一般裏面貯成物便是性康節謂性者心 箇心有箇虚靈知覺便是身之所以為主宰處然這 即這所具底便是心之本體理具於心便有許多妙 虚靈知覺有從理而發者有從心而發者又各不同 得天地之理為性得天地之氣為體理與氣合方成 多人煙便是心中所具之理相似所具之理便是性 之郭郭說雖粗而意極切盖郭郭者心也郭郭中許 北溪字義

其謝也可食此等處理義又隐徵難曉須是識見十 来等食皆不肯受這心從何處發来然其嗟也可去 食飲所當飲便是道心如有人饑餓演死而蹴阿嗟 同且如餓而思食渴而思飲此是人心至於食所當 若知覺從形氣上發来便是人心便易與理相違人 只有一箇心非有兩箇知覺只是所以為知覺者不 用知覺從理上發来便是仁義禮智之心便是道心 分明徹方辨別得

文色四百八片 性只是理全是善而無惡心含理與氣理固全是善氣 心有體有用具衆理者其體應萬事者其用寂然不動 衛平之體亦常自若而未當與之俱往也 方其静而未發也全體卓然如鑑之空如衡之平常 者其體感而遂通者其用體即所謂性以其静者言 因物之自爾而未當有絲毫錄兩之差而所謂鑑空 定在這裏及其動而應物也大用流行妍強高下各 也用即所謂情以其動者言也聖賢存養工夫至到 北溪字義

氣機正謂此也心之活處是因氣成便會活其靈處 是因理與氣合便會靈所謂妙者非是言至好是言 去心是箇活物不是帖静死定在這裏常爱動心之 便含兩頭在未便全是善成物才動便易從不善上 亦無定處操之便存在此舍之便亡失了故盖子曰 動是垂氣動故文公感與詩曰人心妙不測出人垂 其不可測忽然出忽然入無有定時忽在此忽在彼 則存合則亡出人無時莫知其鄉者惟心之謂

久己口巨上与 图 心雖不過方寸大然萬化皆從此出正是源頭處故子 主宰而無亡失之患所貴於問學者為此也故孟子 須是有操存涵養之功然後本體常卓無在中為之 自外面已放底率人来只一念提撕警覺便在此人 邪念感物逐他去两本然之正體遂不見了入非是 存便是人亡便是出然出非是本體走出外去只是 口學問之道無他求其放心而已矣此意極為人親 北流字美

此心之量極大萬理無所不包萬事無所不統古人每 仁者心之生道也敬者心之所以生也 達道 此心無窮之量也孟子所謂盡心者須是盡得質極 言學必欲其博孔子所以學不嚴者皆所以極盡乎 思以未發之中為天下之大本已發之和為天下之 大無窮之量無一理一物之或遗方是真能盡得心 然孟子於諸侯之禮未之學尚室班爵孫之制未 當

炎之四車全書 伊川曰心一也有指體而言者寂然不動是也有指用 佛家論性只似儒家論心他只把這人心那箇虚靈知 心至靈至妙可以為堯舜參天地格鬼神雖萬里之遠 覺底與作性了 而言者感而遂通是也此語亦說得圆横渠口心統 至堅可貫雖物類至微至幽可通 間畢竟是於此心無窮之量終有所欠缺未盡處 念便到雖干古人情事變之私一照便知雖金石 FU 北溪字美

横渠日合虚與氣有性之名合性與知覺有心之名虚 程子曰上天之載無聲無臭其體則謂之易其理則謂 是以理言理與氣合遂生人物受得去成這性於是 說得又條賜明白 性情尤為語約而意備自孟子後未有如此說親切 者文公曰性者心之理情者心之用心者情性之主 乎方有性之名性從理来不離 氣知覺從氣来不離 理合性與知覺遂成這心於是手方有心之名

情與性相對情者性之動也在心裏面未發動底是性 事物觸著便發動出来是情寂然不動是性感而逐 通是情這動底只是就性中發出来不是別物其大 便是心道便是性神便是情所謂體者非體用之體 国 乃其形狀模樣恁地易是陰陽變化合理與氣說 '道其用則謂之神此處是言天之心性情所謂易 則為喜怒哀懼爱惡欲七者中庸只言喜怒哀樂 情

災 足四車全事

北溪字義

金グロノイス 這物其端緒便發出從外来若內無仁義禮智則其 言心在其中者所以统情性而為之主也孟子此處 端也云云 惻隱羞惡等以情言仁義等以性言必又 發也安得有此四端大概心是 箇物貯此性於出底 惡性中有禮智動出為辭讓是非端是端緒裏面有 都是情性中有仁動出為惻隐性中有義動出為羞 便是情孟子曰恻隐之心仁之端也羞惡之心義之 四箇孟子又指惻隐羞惡辭遜是非四端而言大抵

次定四年公島 情者心之用人之所不能無不是箇不好底物但其所 皆是情 謂之達道若不當然而然則違其則失其節只是箇 當夜而夜當樂而樂當惻隐而惻隐當羞惡而羞惡 說得却備又如大學所謂爱患好樂及親爱畏敬等 是發而中節便是其中性體流行著見於此即此便 當解讓而辭讓當是非而是非便合箇當然之則便 以為情者各有箇當然之則如當喜而喜當怒而怒 · · 北溪守義

孟子四端是專就善處言之喜怒哀樂及情等是合善 情之中節是從本性發来便是善更無不善其不中節 白ラル人 情全把做善者是專指其本於性之發者言之禪家 是感物欲而動不從本性發来便有箇不善孟子論 私意人欲之行是乃流於不善遂成不好底物非本 来便不好也 如何减得情既減了性便是箇死底性於我更何用 不合便指情都做惡底物却欲滅情以復性不知情

樂記曰人生而静天之性也感於物西動性之欲也性 之欲便是情 惡說

才是才質才能才質猶言才料質幹是以體言才能是 去便是才不同是以用言孟子所謂非才之罪及天 之降才非爾殊等語皆把才做善底物他只是以其 會做事底同這件事有人會發揮得有人全發揮

久已习与 A 五

北溪字義

志者心之所之之猶向也謂心之正面全向那裏去如 金岁中五百言 從性善大本處於来便見都一般要說得全備須如 伊川氣清則才清氣濁則才惡之論方盡 き

志於道是心全向於道志於學是心全向於學一直 退轉底意便不謂之志 去求討要必得這箇物事便是志若中間有作報或

志有趨向期必之意趨向那裏去期料要恁地決然必

久己四年 E 立志須是再明正大人多有好資質純粹静淡甚近道 却甘心為界陋之歸不肯志於道只是不能立志如 於自暴自棄便是不能立志 欲得之便是志人若不立志只泛泛地同流合污便 界之無甚高論今今可行也却不能立志武帝上嘉 文帝寬仁益儉是其資質儘可與為帝王然其言曰 流俗之中至不随波逐浪為碌碌庸庸之輩若甘心 做成甚人須是立志以聖 賢自期更能 卓然挺出於 北溪字美

為學緊要處最是立志之初所當謹審決定此正是分 程子奏劉說立志一段最切是說人君立志學者立志 與人君立志都一般只是在身在天下有小大之不 唐虞志向高大然又好名駁雜無足取 路舜跖利善正從此而分堯桀言行正從此而判孔 頭路處纔志於義便入君子路總志於利便入小 间 子說從心所欲不喻矩緊要正在志學一節上在聖

金号に下るって

次足四車全書 人常言志趣趣者趣也心之所趙也趣亦志之屬 造到矣 無復有見效處惟起頭所志者果能專心一意於聖 謂立所謂不感所謂知命所謂從心節節都從而差 若此處所志者一差不能純乎聖遊之適則後面所 有不像工夫以終之則雖從心地位至萬亦可得而 人之學則後面許多節目皆可以次第循序而進果 人當初成童志學固無可議自今觀之學之門戶雖多 北溪字義 -+ 5

孟子曰士尚志立志要高不要卑論語曰博學而篤志 能立志 為法於天下可傳於後世我猶未免為鄉人也是則 子何人也有為者亦若是公明儀曰文王我師也周 立志要定不要雜要堅不要緩如顏子日舜何人也 公宣欺我哉皆以聖人自期皆是能立志孟子曰舜 可憂也憂之如何如舜而已矣孟子以舜自期亦是 意 F

钦定四車全書 意者心之所發也有思量運用之義大抵情者性之動 情裏面有箇物能動出来底是性運用商量要喜那 者而觀緩應接事物時便都呈露在面前且如一 恁地底情動是全體上論意是就起一念處論合數 来底正與性相對意是心工於起一念思量運用要 意者心之發情是就心裏面自然發動改頭換面出 人要怒那人是意心向那所喜所怒之人是志喜怒 物来接著在內主宰者是心動出来或喜或怒是 **S** · 北溪字美

人常言意思去母思者思也平母思慮念慮之類旨意 毋意之意是就私意說誠意之意是就好底意思說 以意比心則心大意小心以全體言意只是就全體上 是理其所以當然之根原處是命一下許多物事都 發起一念慮處 之中節處又是性中道理流出来即其當然之則處 在面前未當相離亦燦然不相紊亂

九三日本人 五者謂之五常亦謂之五性就造化上推原来只是五 為禮智在五行為水之神在人性為智人性中只有 春火屬夏金屬秋水屬冬而土無專氣只分旺於四 位南水位北而土無定位只寄旺於四位之中木屬 仁義禮智四位却無信位如五行木位東金位西火 為金之神在人性為義禮在五行為火之神在人性 行之德仁在五行為木之神在人性為仁義在五行 仁義禮智信 北溪字義 千七

且分别者仁是爱之理義是宜之理禮是敬之理智是 金岁口近人可能 處乃禮之用而敬之理則在內知箇是知箇非是智 不亂 物各得其宜乃義之用而宜之理則在内恭敬可見 便都不實了只仁義禮智之實理便是信信却易晚 仁義禮智須逐件看得分明又要合聚看得脈絡都 季之間四行無土便都無所該載猶仁義禮智無信 知之理愛發見於外乃仁之用而爱之理則在內事

という。日とう 内矣若自曰三弟者之家則指掇不起道理只如此 然仁所以長衆善而專一心之全徳者何故蓋人心 言者如人一家有兄弟四箇長兄當門戶稱其家者 所具之天理全體都是仁這道理常恁地活常生生 只舉長兄位號為言則下三弟皆其家子弟已包在 乃心之德如禮義智亦是心之德而不可以心之德 底道理專就人看則仁又較大能無統四者故仁者 之用而知之理則在内就四者平看則是四箇相對 4 北溪字義 兲

仁義起發是惻隱羞惡及到那人物上方見得愛與宜 多兵四月在書 底仁 周 中自為仁言幾有一毫人欲之私挿其問這天理便 隔絕死了便不得謂之仁須是工夫至到此心純是 不息舉其全體而言則謂之仁而義禮智皆包在其 故曰爱之理宜之理 天理之公而絕無一毫人欲之私以間之則全體 流不息無間斷無欠關方始是仁所以仁無此少 便

義就心上論則是裁制決斷處宜字乃裁斷後字裁斷 仁道甚廣大精微何以用處只為愛物而發見之端為 惻 及到那物上遂成爱故仁乃是嗳之根而惻隱則 方從心中的動發出来自是惻然有隱由惻隱而充 當理然後得宜凡事到面前便須有剖判是可是否 愛之理愛者仁之用自可見得脈絡相関處矣 之萌芽而爱义萌芽之長茂已成者也觀此則仁者 隱曰仁是此心生理全體常生生不息故其端緒

欠三日奉公子

北溪字義

主九

禮者心之敬而天理之節文也心中有箇敬油然自生 就外面説成義外去了 便是禮見於應接便自然有箇禮文節則無太過文 文公謂義之在心如利仍然物来觸之便成兩片若 須是自看得破如韓文公以行而宜之之謂義則是 又要不出於中遲疑不能決斷更何義之有此等處 人来邀我同出去便須能剖判當出不當出若要出 可否都不能剖判便是此心頑鈍無義了且如有一

即定四事全書 文公曰禮者天理之節文而人事之儀則以兩句對言 字尤見親切 處便是理合當如此更無太過更無不及當然而然 理在中而著見於人事人事在外而根於中天理其 之何也蓋天理只是人事中之理而具於心者也天 便即是中故漁溪太極圖說仁義中正以中字代禮 丈太威是流於太過天理之節文乃其恰好處恰好 則無不及如做事太質無文彩是失之不及未節繁 北溪字義 丰

智是心中一箇知覺處知得是是非非恁地確定是智 孟子謂知斯二者弗去是也 知是知識弗去便是確定 言須盡此二者意乃圓備 不易之意 **儀節而後則必有天理之節文而後有人事之儀則** 以存於中者乃確然不易之意與節字相應文而後 可象底意與文字相應則謂法則準則是箇骨子所 體而人事其用也儀謂容儀而形見於外者有粲然 欠己日東白白 孟子四端之就是就外面可見底以驗其中之所有如 問智是知得確定在五行何以属水曰水清明可鑒似 這仁如行道乞人機蹴爾呼爾而與之便自羞惡而 作見孺子入井便自然有惻隱之心便見得裏面有 始而智亦萬事之所以成然而成始者也 地下泉脈滋潤何物不資之以生亦猶萬事非智不 智又是造化之根本凡天地間萬物得水方生只看 可便知得確定方能成此水於萬物所以成終而成 北溪字義 丰

見性不是箇含糊底物到發来方有四端但未發則 未可見耳孟子就此處開發人証印得本来之善甚 然有恭敬之心便見得裏面有這禮一件事来非底 分明所以程子謂有功於萬世者胜善之一言 這智惟是裏面有是四者之體故四者端緒自然發 便自覺得為非是底便自覺得為是便見得裏面有 不肯食便見得裏面有這義如一接賓客之頃便自 見於外所謂乃若其情則可以為善乃所謂善也以

j 四 信 者端緒日用間常常發見只是人看理不明故茫然 事物發原處說 是 信由内面有此信故發出来方有忠信之信忠信只 知得此便是智若是也不知非也不知便是心中 不知得且如一事到面前便自有箇是有箇非須是 在性只是四者都實底道理及發出来便為忠信之 無 知覺了既 物而判作二者便是信之端緒是統外面應接 1.1 知得是非已明便須判斷只當如此 七多字長 三十二 頑

金定四库全書 箇賓客相接初終聞之便自有簡懇惻之心怛然動 為便是信此是從下說上去若從上說下來且如與 流行此便是仁事做成了從頭至尾皆此心真實所 做不當如彼做有可否從違便是義若要做此又不 事既得中更無此子私意夾雜其間便都紙是天理 做得正中恰好有箇節文無過無不及此便是禮做 既斷定了只如此做便者此事如何是太過如何是不及 能割拾得被只管半間半界便是心中頑鈍而無義

ていることが 仁者心之全徳蔗統四者義禮智無仁不得蓋仁是心 中箇生理常行生生不息徹終始無間斷茍無這生 端若見得熟則大用小用皆宜橫說堅說皆通 是禮既接見畢便須商量合作如何待或喫茶或飲 白一定是智從首至末皆真實是信此道理循環無 理則心便死了其待人接屬恭敬何自而發必無所 酒輕重厚薄處之得宜是義或輕或重或厚或簿明 於中是仁比心既但然動於中便肅然起敬去接他 北溪字義 羊

多足四屆全書 人性之有仁義禮智只是天地元亨利貞之理仁在天 為夏萬物到此時一齊威長衆美所會聚如經禮三 如仁之生生所以為衆善之長也禮在天為亨於時 謂禮處事之際必不解裁斷而無所謂義其於是非 為元於時為春乃生物之始萬物於此方萌芽發露 有所謂實理哉 亦 百曲禮三干粲然文物之威亦衆美所會聚也義在 必頑然無所知覺而無所謂智既無是四者又鳥 卷上

ひこしい ショ 肅底意智在天為貞於時為冬萬物到此皆歸根復 如義斷制萬事亦各得其宜秋有肅殺氣義亦有嚴 是此生意之遂贞也只是此生意之藏此元所以魚 是一箇元蓋元是箇生意亨只是此生意之通利只 可易便是貞固道理貞後又生元元又生亨亨又生 命权做都定了如智見得萬事是非都一定確然不 利利又生貞只管如此去循環無端総而言之义只 天為利於時為秋蓋萬物到此時皆成遂各得其所 北 溪字義 孟

謂義禮智都是仁蓋仁者此心渾是天理流行到 羞惡是非之端而為之統馬今只就四端不覺發動 之初真情思切時便自見得惻隱貫通處故程傳曰 則終始周流都是一箇元知仁蔗統四者義禮智都 是仁至其為四端則所謂惻隱一端亦實通乎辭遜 統四德故曰大哉乾元萬物資始乃統天謂統乎天 可謂示人親切萬古不易之論矣 四德之元猶五常之仁偏言則一事專言則包四者

分定匹库左書

たいりをという 仁義禮智四者判作兩邊只作仁義兩箇如春夏秋冬 著處智之是非確定只是義之裁斷割正處文公曰 裁断干條萬緒各得其宜亦都渾是這天理流行到 這智分別萬事是非各定亦都渾是這天理流行 禮儀三百威儀三干亦都渾是這天理流行到那義 殺歸宿處故禮儀三百威儀三干只是天理流行顯 通暢只是春之發生威大處冬之藏敛只是秋之肅 四時分来只是陰陽兩箇春夏属陽秋冬属陰夏之 北溪字義 三十五

若横而觀之以仁言則所謂親義序别信皆莫非此心 就事物言父子有親便是仁君臣有義便是義夫婦有 當別合當序合當信底皆各當乎理之宜又是義以 是監觀底思 别便是禮長幼有序便是智朋友有信便是信此又 禮者仁之著智者義之藏 禮言則所以行乎親義别序信之中節文又是禮 天理流行又是仁以義言則只那合當親合當義合

金戶口戶月

若又錯而言之親親仁也所以愛親之誠則仁之仁也 後長之節丈則義之禮也自良知無不知是敬則義 則義之仁也所以庸敬在兄則義之義也所以徐行 事親之實則仁之信也從兄義也所以為愛兄之誠 仁之禮也自良知無不知是愛則仁之智也所以為 所以諫乎親則仁之義也所以温凊定省之節丈則 則所以實是五者誠然而不妄又是信 智言則所以知是五者當然而不昧又是智以信言

文二,可真在与

北溪字義

圭

金石巴五人 非之一定則智之智也所以為是非之實則智之信 也復斯言也由乎天理之公則信之仁也發而皆天 則智之義也是是非非之中節則智之禮也是是非 也是是非非之態惻則智之仁也是是非非之得宜 則禮之智也所以為敬賓之實則禮之信也察物智 也所以周旋之節文則禮之禮也所以酹醉而不亂 之智也所以為從兄之實則義之信也敬實禮也所 以怨恻於中則禮之仁也所以接待之宜則禮之義

九八日中八日 故有仁義禮智信中之仁有仁義禮智信中之義有仁 信有信中之仁義禮智信 義禮智信中之禮有仁義禮智信中之智有仁義禮 禮智信有禮中之仁義禮智信有智中之仁義禮智 智信中之信有仁中之仁義禮智信有義中之仁義 也 理之宜則信之義也出而中節則信之禮也所以有 條而不紊則信之智也所以為是言之實則信之信 北溪字義 三十七

金石口戶石里 自其過接處言之如仁生理流行中便醖釀簡禮之恭 五者隨感而發隨用而應或纔一觸而俱動或相交錯 流行来元自有脈絡相因非是界分截然不相及 是非一定處已以藏了於其中又復醖釀仁之生理 義裁斷得宜中便顧釀菌智之是非一定来到這智 遜節文来禮恭遜節文中便醞釀箇義之裁斷得宜來 序言大處則大有小處則小有陳處則陳有密處則 而互見或秩然有序而不紊或雜然並出而不可以

欠三日里公古 見人之災傷則為之惻然而以憤其所以傷之者是仁 孔門教人求仁為大只專言仁以仁含萬 善能仁則萬 惟恐其失儀是禮中含帶智來見物之美惡黑白 中含带義来見人之不善則為之憎惡而必欲其改 為之辨别必自各有定分不相亂是智中含帶禮 塞有縱橫顛倒無所不通 以從善是義中含带仁来見大賓為之致敬必照顧 北溪字義

金丘口戶自電 善在其中矣至孟子乃無仁義對言之猶四時之除 **愛是情然自程子此言一出門人又將愛全掉了** 言仁义流入佛氏作用是性之説去夫仁者固能知 太泥了爱又就上起樓起閣將仁看得全粗了故韓 向求高逐去不知仁是爱之性爱是仁之情愛雖不 子遂以博嗳為仁至程子始分別得明白謂仁是性 陽也孔門後人都不識仁漢人只把做思惠說是又 可以正名仁而仁亦豈能離得爱上菸遂專以知覺

卷上

覺謂知覺為仁固不可若能轉一步看只知覺純是 者固能與物為一謂與物為一為仁則不可此乃是 仁之量若能轉一步看只於與物為一之前徹表裏 夫若平居獨處不與物對時工夫便無可下手處可 外了於我都無統攝以已與物對時方下得克已工 去有已須與物合為一體方為仁認得仁都曠為在 統是天理流行無間便是仁也日氏克已銘又欲克 理便是仁也龜山又以萬物與我為一為仁體夫仁

九三日華 A 写

北溪字義

三九

程子論心譬如穀種生之性便是仁此一語說得極親 謂疎問之甚據其實已如何得與物合一洞然八方 體認出来則主意不差而仁可得矣 抵氣象如此耳仁實何在馬殊失向来孔門傳授心 不可訓覺與公而以人體之故為仁等數語相參照 法本音其他門人又淺皆無有說得親切者 如何得皆在我闥之内此不過只是想像箇仁中大 切只按此為準去者更兼所謂仁是性爱是情及仁

大小日本上上 仁有以理言者有以心言者有以事言者以理言則只 是此心全體天理之公如文公所謂心之德愛之理 乃偏言而其用也程子曰仁者天下之公善之本也 此是以理言者也心之德乃專言而其體也愛之理 亦以理言者也以心言則知此心統是天理之公而 絕無一毫人欲之私以間之也如夫子稱回也三月 仁及雍也不知其仁等類皆是以心言者也以事言 不達仁程子謂只是無纖毫私欲少有私欲便是不 北溪字義

忠信是就人用工夫上立字大抵性中只有箇仁義禮 是也若以用功言則只是去人欲復天理以全其本 才質病痛之不同而其古意所歸大概不越乎此 有三仁及子文之忠文子之清皆未知馬得仁等類 則只是當理而無私心之謂如夷齊求仁而得仁殷 智四位萬善皆從此而生此四位實為萬善之旅括 心之德而已矣如夫子當時答羣子問仁雖各隨其 忠信

九二日東上日 忠信二字從古未有解人得分曉諸家說忠都只是以 事君不欺為言夫忠固能不欺而以不欺名忠則不 日忠信 可如此則忠之一字只事君方使得說信又只以不 只是五常實理之發但到那接物發言處方始名之 之實但到那事親從兄處方始目之曰孝弟忠信便 疑為言信固能不疑而以不疑解信則不可如此則 如忠信如孝弟等類皆在萬善之中孝弟便是箇仁 北溪字義 四十一

發出外来皆以實是信明道發得又明暢回發已自 便日有若以無為有以有為無便是不以實不得謂 實之謂信方說得確定盡已自盡自家心裏面以所 只說得七八分稻留兩三分便是不盡不得謂之忠 存主者而言須是無一毫不盡方是忠如十分裏話 之信忠信非判然二物從内面發出無一不盡是忠 以實是就言上說有話只據此實物說無便曰無有 所謂不疑者不疑何事直至程子曰盡已之謂忠以

忠信兩字近誠字忠信只是實誠也只是實但誠是自 信有就言上說是發言之實有就事上說是做事之實 有以實理言有以實心言 然實底忠信是做工夫實底誠是就本然天賦真實 忠循那物之實是信無此子違背他如是便曰是不 盡為忠循物無違為信從已心中發出無一不盡是 說得簡要確實明道說得發越條暢 與是底相背非便曰非不與非底相背便是信伊川

C. 17.9 /14.5

北漢字義

聖人分上忠信便是誠是天道賢人分上忠信只是思 忠信之信與五常之信如何分别五常之信以心之實 誠與忠信對則誠天道忠信人道忠與信對則忠天道 誠是人道 者不可執一者若泥者則不通 道理上立字忠信是就人做工夫上立字 徽古人言語有就忠信之信言者有就五常之信言 理而言忠信之信以言之實而言須是逐一看得透

文足四軍公馬 忠信等字骨看得透則無往而不通如事君之忠亦只 孔子曰主忠信主與賓相對賓是外人出入無常主人 信則其中許多道理便都實在這裏若無忠信則 是吾家之主常存在這屋裏以忠信為吾心之主是 信人道 是盡已之心以事君為人謀之忠亦只是盡已之心 中心常要忠信盖無時而不在是也心中所主者忠 切道理都虚了主字下得極有力

忠信是以忠對信而論忠恕又是以忠對恕而論伊川 之中心無不實故為忠如心為恕是推已心以及 謂盡已之謂忠推已之謂恕忠是就心說是盡已之 以為人謀耳如與朋友交之信亦只是以實而與朋 之所真實者以及人物而已字義中心為忠是盡已 友交與國人交之信亦只是以實而與國人交耳 心無不真實者恕是就待人接物處說只是推已心 忠恕

火足の車と皆 底流去到那物而已然恕道理甚大在士人只! 孝已欲弟人亦欲弟必推已之所欲孝欲弟者以及 使人亦得以遂其欲立欲達之心便是恕只是已心 已欲達人亦欲達必欲推已之欲立欲達者以及 人使人得以遂其欲孝欲弟之心已欲立人亦欲立 於人只是就一邊論其實不止是勿施已所不欲者 要如已心之所欲者便是恕夫子謂已所不欲勿施 凡已之所欲者须要施於人方可如已欲孝人亦欲 北溪守義 四十四

大概忠恕只是一物就中截作 重兴中人人一 是全不推已便是不恕 兄弟妻子離散不得以安其處吾欲享四海之富却 推 大如吾欲以天下養其親却使天下之人父母凍餓 内應接無幾其所推者有限就有位者而言 得以遂其孝吾欲長吾長幼吾幼却使天下之 海内国窮無告者不得以遂其生生之樂如此便 者大而所及者甚廣尚中天下而立則所推者愈 兩片則為二物上蔡 則所

欠己口巨山馬 在聖人分上則日用干條萬緒只是一箇渾淪真實底 之古使人易晓而已如木根上一箇生意是忠則是 道忠恕只是借學者工夫上二字来形容聖人一貫 流行去貫注他更下不得一箇推字曾子謂夫子之 故發出忠底心便是恕底事做成恕底事便是忠底 3 便是恕應事接物處不恕則在我者必不十分真實 忠恕猶形影說得好盖存諸中者既忠則發出外来 北溪字美

大縣忠恕本只是學者工夫事程子謂維天之命於穆 息之停只是一箇真實無妄道理而萬物各具此以 這一箇生意流行貫注於千枝萬藥底便是恕若以 恕 命元而亨亨而利利而貞貞而復元萬古循環無 不已忠也乾道變化各正性命恕也天豈能盡已推 已此只是廣就天地言其理都一般耳且如維天之 忠恕並論則只到邓地頭定處枝成枝藥成藥便是

钦定四車全書 有天地之忠恕至誠無息而萬物各得其所是也有聖 也無他以已者是自然推己者是著力 忠恕也聖人之忠便是誠更不待盡聖人之恕便只 生洪鐵萬下各正其所賦受之性命此是天之忠恕 是仁更不待推程子曰以已及物仁也推已及物恕 也在聖人也只是此心中一箇渾淪大本流行泛應 而事事物物莫不各止其所當止之所此是聖人之 人之忠恕吾道一以貫之是也有學者之忠恕已所 北海守美

忠是在已底恕是在人底單言恕則忠在其中如曰推 聖人本無私意此心豁然大公物来而順應何待於推 學者未免有私意銷於其中視物未能無阿汝之 然大公矣所以子貢問一言两可以終身行之者 须是用力推去方能及到這物工既推得去則亦豁 恕乎盖學者須是者力推已以及物則私意無所容 不欲勿施於人是也皆理一而分殊 仁可得矣 問

文 三 四 年 日 馬 夫子語子貢之恕曰已所不欲勿施於人此即是中庸 聖人之忠恕聖人忠恕是天道學者忠恕是人道 正是說學者之忠恕曹子說夫子之道忠恕乃是說 息而非所謂由中及物者矣中庸說忠起違道不遠 意了已若無忠則從何物推去無忠而恕便流為姑 說施諸巴而不願亦勿施於人也異時子貢又曰我 已之謂恕已所不欲勿施於人只已之一字便含忠 不欲人之加我也吾亦欲無加諸人亦即是此意似 北漢字美

自漢以来恕字義甚不明至有謂善恕已量主者而我 五岁四月百二 之事 朝范忠宣公亦謂以恕已之心恕人不知恕之一字 無異音而夫子乃以為賜也非爾所及至程子又有 則是已有過且自恕已人有過又并恕人是相率為 就已上著不得據他說恕字只似箇餘人底意如此 以已自然及物之事曰勿施云者是用力推已及物 仁恕之辨何也盖是亦理一而分殊曰無加云者是

,只是這箇道理全體渾淪一大本處貫是這一理流 字義不明為害非輕 責人之心 責已一句說得是以恕已之心恕人一句 是一理這是一箇大本處從這大本中流出見於月 說得不是其所謂恕恰似今人說且恕不輕恕之意 出去貫串手萬事萬物之問聖人之心全體渾淪只 不肖之歸豈古人推已如心之義乎故忠宣公謂 以 一贯

文記の巨心島

北溪字美

安或為居處之恭或為執事之敬是日用問徵而灑 者必以貌如或仕或止或久或速或温而厲或然而 儀動容尚旋之禮又如鄉黨之條目如見是者與瞽 之為視之明聽之聰色之温貌之恭凡三千三百之 在子則為孝在君則為仁在臣則為敬又鐵悉而言 婦則為別在朋友則為信又分而言之在父則為慈 在君臣則為義在父子則為仁在兄弟則為友在夫 掃應對進退大而參天地贅化育几百行萬善千條

大見り与 とき 自其渾淪一理而言萬理無不森然具備自其萬理者 貫是天道一以貫之聖人此語向曾子說得甚親切 盡已之心真實無妄則此心軍淪是一箇天理即此 曾子也恕即所以形容此一貫借人道之實以發明 見而言又無非即此一理也一所以贯乎萬而萬無 天道之妙尤為確定切實盖忠即是一恕即是貫夫 萬緒無非此一大本流行 貫串 不本乎一 北溪字義

1

在學者做工夫不可職追那所謂一只當專從事其所 台グレルとし 貫凡日用問干係萬緒各一一精察其理之所以然 道入德有可依據實下手處 實於聖人之龜尤為該盡而於學者尤為有力其進 萬事那箇事不從這心做去那箇道理不從這裏發 出即此便見一貫處故曽子之說於理尤為確定切 便是大本處何物不具於此由是而酬酢應接散為 而實踐其事之所當然然後合萬理為一理而聖人

天只是一元之氣流行不息如此即這便是大本便是 とこりずという 誠字與忠信字極相近須有分別誠是就自然之理上 箇各及無有欠缺亦不是天逐一去粒點皆自然而 或潜或動或植無不各得其所欲各具一太極去箇 太極萬物從這中流出去或纖或洪或萬或下或飛 渾淪太極之全體自此可以上達矣 **惩從大本中流出来此便是天之一貫處** 誠 批演字義

誠字後世都說差了到伊川方云無妄之謂誠字義始 誠字本就天道論維天之命於穆不已只是 形容出一字忠信是就人用工夫工説 敬謹愿底意思不知誠者真實無妄之謂至誠乃是 真實極至而無一喜之不盡惟聖人乃可當之如何 明至晦翁又增两字曰真實無妄之謂誠道理尤見 可容易以加諸人 分晓後世說至誠兩字動不動加諸人只成箇謙恭 一箇誠

金岁四月至書

とこつるとう 度萬古不差皆是真實道理如此又就果木觀之甜 道流行自古及今無一毫之妄暑往則寒未日往則 者萬古常缺一花一葉文錢相等對萬古常然無一 白紅者萬古常紅紫者萬古常紫圓者萬古常圆缺 循環萬古常如此皆是真實道理為之主宰如天行 月来春生了便是長秋殺了便冬蔵元亨利員終始 者萬古甜苦者萬古苦青者萬古常青白者萬古常 一日一夜一周而又過一度與日月星辰之運行經 北漢字美

就人論則只是這實理流行付子於人自然發見出来 面为四月全書 身日用常常流行發見但人不之察耳如孩提之童 具這理到賦形之後未死之前這道理便無了在吾 戛差錯便侍人力十分安排撰造来終不相似都是 底未說到做工夫處且誠之一字不成受生之初 生物不測而五峯亦曰誠者命之道乎皆形容得觀 真實道理自然而然此中庸所以謂其為物不二其 切

此皆是降東東夷真實道理自然發見出来雖極惡 能不待安排又如乍見孺子將入井便有休惕之心 只是整實不欺偽之謂是乃人事之當然便是人之 曰見於在人而亦 天之道也及就 人做工夫處論則 見終有不可於滅者此皆天理自然流行真實處雖 之人物終昏旅之甚及其稍息則良心之實自然發 至行道乞人饑餓瀕死而蹴爾嗟来等食乃不屑就 無不知爱親敬兄都是這實理發見出来乃良知良

文 三 四 五 全 号

北京字美

如君子誠之為貴誠之者人之道此等就做工夫上論 盖未能真實無妄便須做工夫要得真實無妄盖子 道也故存心全體整實固誠也若一言之實亦誠也 虚偽乃可以當之 立意有就天命言者有就人做工夫言者至於至誠 又謂思誠者人之道正是得子思此理傳授處古人 二字乃聖人徳性也惟萬理皆極其真實絕無一毫 一行之實亦誠也

欠己の巨 上 誠與信相對論則誠是自然信是用力誠是理信是心 如君臣父子夫婦兄弟朋友等類若不是實理如此則 誠有以理言者若誠者物之終始是也有以心言者若 誠在人言則聖人之誠天之道也賢人之誠人之道也 誠是天道信是人道誠是以命言信是以性言 誠是 離變故終有不可得而珍減者 便有時廢了惟是實理如此所以萬古常然雖更亂 不誠無物是也 北溪字美

程子謂主一之謂敬無道之謂一文公合而言之曰主 誠與故字不相關於與敬字却相關 處說見得這道理尤緊切所問最大敬字本是箇虚 只把做 開慢說過到二程方招出来就學者做工夫 以道言信是以德言 無適之謂敬尤分晚敬一字從前經書說處儘多 與畏懼等字相似今把做實工夫主意重了似窗

文足四軍全書 人心妙不可測出人無時莫知其鄉所以主宰統攝若 他只是此敬常存在這裏不走作不散慢常恁地惺 無箇敬便多不見了惟敬便存在這裏所謂敬者無 惺便是敬 便是不敢文公謂勿貳以二勿參以三正如此 件事又棟第二件事又參第三件事便不是主一 者只是心主這箇事更不别把箇事来參神若做 北流字美

一無適者心常在這裏不走東不走西不之南不之北 無事時心常在這裏不走作固是主一有事時心應這 程子就人心做工夫處特注意此字盖以此道理贯動 事更不將第二第三事来棟也是主一 常無間斷機問斷便不敬 事也如此初頭做事也如此做到末稍也如此此心 事接物時也用敬心在裏面也如此動出於外来做 静徹表裏一始終本無界限別静無事時也用敬應

欠足の年亡時 禮謂執虚如執盈入虚如有人只就此二句體認持敬 格物致知也須敬誠意正心脩身也須敬齊家治國平 底工夫意象最親切且如人捧箇至盈底物心若不 在這上總移一步便何了惟執之奉奉心常常在這 天下也須敬敬者一心之主宰萬事之根本 此心常嚴肅如對大賓然此便是主一無適意又如 上雖行到那裏也不傾倒入虚如有人雖無人境 人神祠中此心全歸向那神明上絕不敢生吃他 北溪守美 五十五

文公謂敬齊為正是鋪序日問持敬工夫節目最親切 整齊嚴肅敬之容如坐而傾跌衣冠落魄便是不敬 上蔡所謂常惺惺法是就心地上做工夫處說得亦親 金グレグノ 了心幾在這裏則萬理森然於其中古人謂敬德之 念再專一一便是不二不三就此時體認亦見得主 聚正如此須實下持敬工夫便自見 切盖心常雕在這裏便常惺惺恁地活若不在便死 無適意分晓

恭就貌上說敬就心上說恭主容敬主事 身體嚴整容貌端莊此是恭底意但恭只是敬之見於 てこりを ことう 宜列諸左右常目在之按為準則做工夫久久自別 有嚴底意敬字較實 外者敬只是恭之存於中者敬與恭不是二物如形 無敬者此與忠信忠恕相關 恭敬 然未有內無敬而外能然者亦未有外能然而內 北海字美 一般 五十六

金只四四百書 敬工失細密恭氣象問大敬意思早屈恭體貌尊嚴 坐如尸立如齊便是敬之容正其衣冠尊其瞻視嚴然 **躋文王之緝照敬止都是如此** 人望而畏之便是恭之容 **北溪字義卷上** 逃者力如堯之欽 明舜之温恭湯之聖故日 恭字不如敬之切 德而論則敬字不如恭之安以學者做工